

解脫道論卷第七

階八

羅 漢 優 波 底 沙 造

梁 扶 南 三 藏 僧 伽 婆 羅 譯

行門品第八之四

問曰云何念安般何修何相何味何處何功德云何修行答曰安者入般者出於出入相隨念正念此謂念安般心住不亂此謂修念令起安般想爲相觸思惟爲味斷覺爲處何功德者若人修行念安般成寂寂成勝妙成莊嚴可愛自娛樂若數數起惡不善法

令除滅身成不懈怠眼亦不懈怠身成不動不搖心成不動不搖令滿四念處令滿七覺意令滿解脫世尊所歎聖所住止梵所住止如來所住止云何修者初坐禪人若往阿蘭若若往樹下若往寂寂處結跏趺坐正身在前彼坐禪人念入息念出息若長出息我息長出如是知之若長息入我長息入如是知之若息短入我息短入如是知之若短息出我短息出如是知之我入息如是覺我出息如是覺知喜知樂知心所行令滅心行令歡

喜心令教化心令解脫心見無常見無欲見
滅見出離如是覺見出離我息出如是覺見
出離我息出如是於是現前令學安者謂繫
念住於鼻端或於口脣是出入息所緣處彼
坐禪人以安念此處入息出息於鼻端口脣
以念觀觸或現念令息入現念令息出現於
息入時不作意於出時亦不作意是出入息
所觸鼻端口脣以念觀知所觸現念令入現
念出息如人解材以緣鋸力亦不作意鋸去
來想如是坐禪人於入出息亦不作意入出

息想所觸鼻端口脣以念觀知現念令入息
現念令出息若坐禪人於出入息作意內外
其心成亂若心起亂其身及心成懈怠動搖
此是過患若最長息若最短息不應作意若
作處最長最短息其身及心皆成懈怠動搖
此是過患由出入息種種相故不應作著若
隋八如是作心餘緣成亂若心亂其身及心皆成
懈怠動搖如是過患無邊起出入息以無邊
觸故應作想如是心不亂若心遲緩若心利
疾不當精進若作遲緩精進成懈怠睡眠若

作利疾精進成起調若坐禪人若與懈怠睡
眠共起若與調共起其身及心成懈怠成動
搖此是過患彼坐禪人以九小煩惱清淨心
現念入息彼相得起名相者如抽綿抽古貝
觸身成樂觸如涼風觸身成樂觸如是出入
息風觸鼻口脣念作風想不由形色此謂相
若坐禪人以修多修相成增長若鼻端增長
於眉間於額成多處住成滿頭風從此增長
滿身猗樂此謂具足復有坐禪人從初見異
相如煙如霧如塵如碎金猶如針刺如蟻所

齒見種種色若坐禪人心不明了於_貳相
心作異想成顛倒不成出入思想若明了坐
禪人不作異意想念現入息念現出息雖作
餘想若如是作意異相即滅是坐禪人得微
妙相心不放逸念現入息念現出息彼相自
在以相自在欲_貳起修行由欲自在念現入息
念現出息起喜已喜自在已欲自在念現入息
念現出息起捨於彼已捨自在已欲自在已喜
已在念現入息念現出息其心不亂若心不亂
諸蓋滅禪分起此坐禪人已得寂滅

勝四禪定如初廣說復次先師說四種修念
安般所謂筭隨逐安置隨觀問曰云何名筭
答曰初坐禪人從初出息及至入息從一至
十過十不筭復說從一至五過五不筭不令
意誤是時當筭乃至離筭從入出息事念住
此謂名筭名隨逐者攝筭以念無間逐出入
息此謂隨逐名安置者或鼻端或於脣是入
出息所觸處於彼作風想令念住此謂安置
名隨觀者由觸自在當隨觀相於此所起喜
樂等法應當隨觀此謂隨觀彼筭爲覺滅令

得出離覺隨逐者爲滅麤覺於出入息作念
無間安置者爲斷於亂作不動想隨觀者爲
受持想爲知勝法若長入息若短出息於短
入息如是學之者方便所作過於其性此謂
長性者現智短爲現不愚癡事問曰云何不
愚癡事答曰初坐禪人得身心猗以入出息
念現作住其出入息成細出入息細故成不
可取時坐禪人若長息隨觀作長乃至相起
住若相已起住以性應作意此謂不愚癡復
次當爲心消息有時作長有時作短如是當

修復次坐禪人以事令分相起是事當修
知一切身我入息如是學者以二禪行知一
切身不愚癡知以事故問曰云何無愚癡知
一切身答曰若坐禪人念安般定身心喜樂
陪八
觸成滿由喜樂觸滿一切身成不愚癡問曰
云何以事知一切身答曰出入息者所謂一
四
處住色身出入息事心心數法名身此色身
是於身行現令寂滅復次於麤身行現令寂
滅以細身行修行初禪從彼以最細修第二
名身此謂一切身彼坐禪人如是以見知一
切身雖有身無衆生無命如是學者謂三學
一增上戒學二增上心學三增上慧學如實

戒此謂增上戒學如實定此謂增上心學如
實慧此謂增上慧學彼坐禪人此三學於彼
事以念作意學之修已多修此謂學之令滅
身行我入息如是學云何名身行者此謂出
入息以如是身行曲伸形隨神動踊振搖如
是於身行現令寂滅復次於麤身行現令寂
滅以細身行修行初禪從彼以最細修第二
禪從彼最細修行學第三禪令滅無餘修第
四禪問曰若無餘滅出入息云何修行念安
般答曰善取初相故以滅出入息其相得起

成修行相何以故諸禪相知喜爲事知我入息如是學者彼現念入息念現出息於二禪處起喜彼喜以二行成知以不愚癡故以事故於是坐禪人入定成知喜以不愚癡以觀故以對治故以事故成知樂我入息如是學者彼現念入息現念出息其心入出事以二行成所知以不愚癡以事故如初所說令歡喜隋八王心我入息如是學者說令歡喜說喜於二禪者彼現念入息現念出息於三禪處起樂彼樂以二行成知以不愚癡故以事故如初所說知心行我息入如是學者說心行是謂想說心行我息入如是學者說心行是謂想受於麤心行令處以喜令心踊躍學之如初所說令教化心我入息如是學者彼坐禪人現念入息現念出息以念以作意彼心於事令住令專一心教化以彼心住學之令解脫心我入出息如是學者彼坐禪人現念入息現念出息若心愚癡故以事故以如初說今寂滅心行我息

入如是學者說心行是謂想受於麤心行令寂滅學之如初所說知心我入息如是學者彼現念入息現念出息其心入出事以二行成所知以不愚癡以事故如初所說令歡喜心我入息如是學者說令歡喜說喜於二禪處以喜令心踊躍學之如初所說令教化心我入息如是學者彼坐禪人現念入息現念出息以念以作意彼心於事令住令專一心教化以彼心住學之令解脫心我入出息如是學者彼坐禪人現念入息現念出息若心愚癡故以事故以如初說今寂滅心行我息

遲緩從懈怠令解脫若心利疾從調令解脫
學之若心高從染令解脫學之若心下從瞋
恚令解脫學之若心穢污從小煩惱令解脫
學之復次於事若心不著樂令著學之常見
無常我入息如是學者彼現念入息現念出
息其入出息及入出息事心心數法見其滅
生滅學之常見無欲我入息如是學者現念
入息現念出息彼無常法彼法無欲是泥洹
法如實見其過患彼我滅是泥洹以寂寂見

學之常見出離我入息如是學者彼無常法
如實見其過患於彼過患現捨居止寂滅泥
洹使心安樂學之如是寂寂如是妙所謂一
切行寂寂一切煩惱出離愛滅無欲寂寂泥
洹於此十六處初十二處成沙摩他毗婆舍
那見初無常後四處唯成毗婆舍那如是以
沙摩他毗婆舍那可知復次彼一切四種謂
廿八
如是修令起觀具足有時見現念入息現念
出息此謂修知長短令滅身行令滅心行令
心歡喜令教化心令解脫心此謂令起知一

切身知樂知心所行知心者比謂觀具足常見無常所初四行此謂有時見復次修者以念安般受持地是修是安般念受持地是受持是有學彼有覺有觀有觀地知喜者是二禪地知樂者是第三禪地知心者是第四禪地復次彼一切成二種謂修及滿於是修行唯彼名滿者十六行不減修者如種功德因故名滿者猶如花果從相似出故若如是修行念安般成滿四念處修四念處滿七菩提示修七菩提分滿明解脫問曰云何得如此

答曰長出入息所初四處成身念處知起所初成受念處知心所初成心念處見無常所初成法念處如是修念安般成滿四念處云何以修四念處成滿七菩提分修念處時於念成住不愚癡此謂念覺分彼坐禪人如是念住知擇苦無常行此謂擇法菩提分如是現擇法行精進不遲緩此謂精進覺分由行精進起喜無煩惱此謂喜覺分由歡喜心其身及心成猗是謂猗覺分由身猗有樂其心成定此謂定覺分如是定心成捨此謂捨覺

分以修四念處成滿七菩提覺分云何以修
七菩提覺分成滿明解脫如是多修行七覺
分於剎那道成明滿於剎那果成解脫滿如
是修七菩提分成明解脫滿問曰一切諸行
由地成有覺無覺如是念安般何故說唯念
安般爲除覺不說餘耶答曰不依如此說覺
不住者是禪障礙是故除覺依此義說何故
於風樂觸由樂心著如覺乾闥婆聞聲隨著
是故斷覺復次如行堤塘以心專念猗不動
故是故說念安般爲除覺念安般竟

問曰云何念死何修何相何味何處何功德
云何修答曰壽命行斷此謂爲死彼念住不
亂此謂爲修自壽命斷爲相厭患爲味無難
爲處何功德者若修行念死於上善法成不
放逸成憎不善法於諸服飾不多受畜心不
慳惜見身壽命心不貪著作無常想苦想無
我想皆令成滿成向善趣向於醍醐臨命將
終心不謬誤云何修行初坐禪人入寂寂坐
攝一切心以不亂心念衆生死我入死法向
於死趣不過死法如涅底復波陀修多羅中

說若人樂觀死當觀被殺人見死因緣於是
念死有四種憂相應驚相應中人相應智相
應如喪愛子心生緣念此謂憂相應悲念童
子卒暴命終此謂驚相應念如閻維人念離
生故此謂中相應念常觀世間心生厭患此
謂智相應念於是坐禪人憂相應驚相應中
相應不應修行何以故不能除過患唯智相
應勤修行能除過患者有三種等死斷死
念念死云何名等死依假衆生此謂等死者
斷死者謂阿羅漢煩惱已斷名念念死者諸

行念念滅復次死有二種不時節死時節死
或自殺或他殺或以病或無因緣中間死此
謂不時節死或壽命盡乃至老死此謂時節
死應念此二種死復次以八行先師所說修
念死如兇惡人逐以無因緣以本取以身多
屬以壽命無力故以久遠分別以無相故以
剎那故問曰云何以兇惡逐修行念死答曰
如被殺人將往殺處以兇惡人拔刀隨逐彼
見兇惡人拔刀隨後如是思惟此人殺我何
時我當死我行一一步於何步當死我去必

死我住必死我坐必死我眼必死如是坐禪人以兇惡人逐故當修念死問曰云何以無因緣故修念死答曰無因緣無方便以生能念令不死如日月出無因緣無方便能令不沒如是無因緣故修念死問曰云何以本取故修念死答曰彼先多財王大乘王大神力大善見王頂生王等彼一切王皆入死法復次先仙人大神通大神力毗沙密多闍摩達黎仙人身出水火復入死法復次先聲聞有大智慧有大神通有大神力舍利弗目捷連

第八
等彼入死法復次諸緣覺人自生無師一切功德成就亦入死法復次諸如來應供正覺無量無上明行具足到功德彼岸亦入死法何況於我少時壽命不當入死法如是以先取故修念死問曰云何以身多屬故修念死答曰以風痰和合成於死法或諸蟲種和合或飲食不調成入死法或毒蛇蜈蚣射蚰蜒鼠齒成入死法或師子虎豹龍牛等兎成入死法或人非人所殺成入死法此身如是多所屬故修念死法問曰云何以壽無力故修

念死以二行以壽命無力故修於念死處無力故依無力故成壽命無力問曰云何處無力故壽命無力答曰此身無自性如水泡喻如芭蕉喻如水沫喻無有真實離真實故如是處無力故成壽命無力問曰云何依無力故成壽命無力答曰此名出入息所縛四大所縛飲食所縛四威儀所縛暖所縛如是依無力故成壽命無力如是以此二行以壽命無力故修念於死問曰云何以遠分別修念死答曰從於久遠一切已生於現在世不過

百年皆入死法所謂久遠分別故修念死復次當修我於日夜詎能得活日夜思惟世尊諸法我得大恩如是一日我詎能活或復半日我詎能活或復少時我詎能活或一食時或半食時我詎能活或四五搏我詎能活或入息時我詎能至出息時或出息時我詎能至入息時以久遠分別故修念死問曰云何以無相故修念於死答曰以無有相死無有時以無相故修念於死問曰云何以利那故修死念答曰以不數過去未來但數現在緣

衆生壽命於一念時住從彼無二念住一切衆生於剎那心沒如阿毗曇中說於過去心無已生無當生無現生於未來心無已生無現生無當生於現在心剎那無已生無當生有現生復如說偈

壽命及身性 苦樂及所有 與一心相應

剎那速生起 於未生無生 於現在有生
心斷故世死 已說世盡故

如是以剎那故修念死彼坐禪人以此門以
此行如是現修念死起其狀患由狀患自在

以念自在成心不亂若心不亂諸蓋滅禪分
成起外行禪得住問曰無常想念死此二何
差別答曰陰生滅事名無常想念諸根壞名
爲念死以修無常相無我相爲除惱慢以修
念死無常相及苦相成住以壽命斷心滅此

謂差別竟

隨

十一

問曰云何念身何修何相何味何功德云何
修答修念身性彼念隨念正念此謂身念住
不亂此謂修令起身性爲相狀患爲味見無
實爲起何功德者以修念身成堪耐堪受怖

畏堪任寒熱等無常想無我想不淨想過患
想彼想成滿成隨意得四禪以分明諸法修
令滿足向於善趣向於醍醐云何修者初坐
禪人入寂寂坐攝一切心不亂心唯修心性
云何修心性所謂此身髮毛爪齒皮肉筋骨
髓腦肝心脾肺膽胃肪膏腦膜大腸小腸屎
尿膿血痰汗涎淚涕唾不淨初坐禪人於此
三十二行初次第上以次第下善哉以口語
言應常說常觀善哉以常觀口諸語言是時
一一四行唯以心當覺以色以行以形以

處以分別所起麤相或一或二或多善取相
應彼坐禪人如是以三種覺成起以色以狀
以空若坐禪人以色起相彼坐禪人由色一
切入自在應作意若坐禪人以狀起相彼坐
禪人以不淨應作意若坐禪人以空起相彼
坐禪人以界應作意若坐禪人依一切入起
於四禪若坐禪人依不淨事起初禪若坐禪
人依界事起外行禪於是瞋恚行人以色起
相貪欲行人以狀起相慧行人以界起相復
次瞋恚行人以色當作意貪欲行人以狀當

作意慧行人以界當作意復次以十三行當念身性如是以種以處以緣以流以次第以形以蟲種以安處以聚以憎以不淨以處以不知恩以有邊問云何以種當念身性答如毒種所生茱萸拘沙多紀等一切生如是此身從父母不淨生不淨種生此身成不淨如身從父母不淨生不淨種生此身成不淨如是
增八
是以種當念心性問曰云何以處當念身性答此身不從鬱多羅花生非拘牟陀分陀利迦花生於母腹生不淨臭穢迫近處生從生熟兩藏生從左右脇胞囊所纏依脊骨住是

處不淨身成不淨如是以處當念身性問云何以緣當念身性答此不淨身若增長住不以金銀珠等能得增長復不以栴檀多伽羅沉香等緣能得增長此身從母腹生母所食噉涕唾涎痰相雜母胎所生臭食流液得增長住從如是出其所噉食飯乳汁豆涕唾涎痰共相和雜此身以臭不淨流得增長住如是以緣當念身自性問云何以流當念身自性答如皮囊盛滿屎尿以多穿故不淨流出此身亦然盛滿屎尿如是此身所嘗飲食及

雜涕唾屎尿臭穢種種不淨從九孔流溢以多穿故不成滿故如是以流應念身自性問云何以次第形當念身自性答此身以初業次第立於初七日成迦羅遷二七日成堅身二陀三七日成俾尸四七日成_{僧人}阿那五七日成

五節六七日成四節七七日復生四節八七日復生二十八節九七日及十七日復生脊骨十一七日復生三百骨十二七日復生八百節十三七日復生九百筋十四七日復生百肉九十五七日復生血十六七日生膜十

孔二十九七日成一切身分具足

復說七七日有體依母背下頭蹲踞坐四十二七日以業所生風轉脚向上頭向下向產門此時生世說假名人如是以次第形當念

身性

問云何以蟲種當念身性答此身八萬戶蟲

之所食噉依髮之蟲名髮鐵依觸體蟲名耳
種依腦之蟲名顛狂下顛狂復有四種一名
壘拘霖婆二名濕婆羅三名陀羅呵四名陀
呵尸遷依目之蟲名舐眼依耳之蟲名舐耳
依鼻之蟲名舐鼻復有三種一名樓扣母呵
二名阿樓扣三名摩那樓母可依舌之蟲名
勿伽依舌根蟲名母但多依齒之蟲名狗婆
依齒根之蟲名優婆狗婆依喉之蟲名阿婆
離呵依頸之蟲有二種一名虜呵羅二名毗
虜呵羅依毛之蟲名舐毛依爪之蟲名舐爪

依皮之蟲有二種一名兜那二名兜難多依
膜之蟲復有二種一名鞞藍婆二名摩訶鞞
藍婆依肉之蟲復有二種一名阿羅婆二名
羅婆婆依血之蟲復有二種一名婆羅二名
婆多羅依筋之蟲復有四種一名賴多虜二
名喜多婆三名婆羅婆多羅四名羅那婆羅
那依脉之蟲名哿栗俠那依脉根之蟲復有
二種一名尸婆羅二名優婆尸婆羅依骨之
蟲復有四種一名遏橈切湯里毗駄二名安那
毗駄三名殆確覆於毗駄四名遏橈經可

羅依髓之蟲復有二種一名弭社二名弭社戶羅依脾之蟲復有二種一名尼羅二名比多依心之蟲復有二種一名死毗多二名優鉢社死毗多依心根之蟲復有二種一名滿可二名尸羅依肪之蟲復有二種一名寄羅二名哿羅戶羅依膀胱之蟲復有二種一名摩訶死波依大陽根蟲復有二種一名安那婆呵二名博果一呵依胃之蟲復有四種一名優受哿二名優社婆三名知杜婆四名先市婆依熟藏隋入十五之蟲復有四種一名婆呵那二名摩訶婆呵那三名陀那盤四名粉那母可二種一名哿羅二名哿羅戶羅依胞之蟲復有二種一名沙婆羅二名摩訶沙婆羅依胞根之蟲復有二種一名賴多二名摩訶賴多

依小腸之蟲復有二種一名彌賴多二名摩何賴多依腸根之蟲復有二種一名波二名摩訶死波依大陽根蟲復有二種一名安那婆呵二名博果一呵依胃之蟲復有四種一名優受哿二名優社婆三名知杜婆四名先市婆依熟藏隋入十五之蟲復有四種一名婆呵那二名摩訶婆呵那三名陀那盤四名粉那母可二種一名哿羅二名哿羅戶羅依胞之蟲復有二種一名沙婆羅二名摩訶沙婆羅依胞根之蟲復有二種一名敷婆呵母二名社

摩契多依彊根蟲復有三種一名處呵母珂二名阿虜呵母珂三名婆那母珂有五種蟲依於身前食於身前依於身後食於身後依於身左食於身左依於身右食於身右蟲名栴陀死羅脣呵死羅不偷羅等依下二孔有三種蟲一名拘樓拘羅唯喻二名遮羅喻三名寒頭波陀如是以蟲居止當念身性云何以安當念身自性於足骨脛骨安住脛骨於膝骨安住膝骨於髂骨安住髂骨於脊骨安住脊骨於胛骨安住胛骨於臂骨安住臂骨

於項骨安住項骨於頭骨安住頭骨於頰骨安住頰骨於齒骨安住如是此身骨節纏裹以皮覆上成此穢身從行業生非餘能造如是以安當念身自性云何以聚當念身自性九頭骨兩頰骨三十二齒骨七項骨十四脊骨二十四脇骨十八脊骨兩髂骨六十四手骨六十四足骨依肉六十四軟骨此三百骨八百節九百筋纏九百肉九一萬七千腠八百萬髮九萬九千毛六十間八萬蟲種膽唾腦各一波賴他梁言重四兩血一阿迦梨言

以三斗如是等不可稱計種種形唯是聚集名身如是二聚當念身自性云何以憎當念身自性彼所重物第一清淨所愛服飾如是花香塗身衣服莊嚴眠坐隱囊枕褥毼能毼毼牀帳卧具等種種飲食住止供養心生愛重後成憎惡如是以憎惡當念身自性普八云何以不清淨當念身自性如是衣物種種服飾已不淨潔可更浣治還得清淨何故以性清淨故此身不淨不能令淨復次以香塗身以香水洗浴不能令淨何以故性不淨故

如是以不清淨當念身自性云何以處當念身自性如花依花池生如果依果處生如是此身從種種煩惱疾患故生如是眼痛耳痛鼻痛舌痛身痛頭痛口痛齒痛患味急氣寒熱腸痛心悶瘤狂風病霍亂癲癰吐血癬瘡疥癬淋秘寒病等此身有無邊過患如是以處當念身自性何以不知恩當念身自性其人雖復料理自身以最勝飲食或洗浴摩香眠坐衣被以身莊嚴此毒樹身返不知恩向老向病向死女親友不知恩如是以不知

恩當念身自性云何以有邊當念身自性此
身或可閻維或可噉食或可破壞或可磨滅
此身有邊如是以有邊當念身自性彼坐禪
人以此門以此行以自性當念此身以念自
在以慧自在成不亂心若不亂心諸蓋滅禪
問八
分起隨其所樂成得勝已竟

問云何念寂寂何修何相何味何趣何功德
云何修答寂寂者滅身心動亂已伏斷故此
謂寂寂現念寂寂彼念隨念正念此謂念寂
寂以念住不亂此謂修令起不動功德爲相
不調爲味妙解脫爲處何功德者若修行念
寂寂成安眠安覺成寂寂心諸根寂寂心願
具足成可愛慚愧具足常爲人所貴重向善
趣向醍醐云何修彼者初坐禪人入寂寂坐
攝一切心不起亂心如彼比丘諸根寂寂心
寂寂樂一處寂寂以相應住彼比丘以身口
意若見若聞以寂寂念以寂寂功德如世尊
所說彼比丘戒具足定具足慧具足解脫具
足解脫知見具足若比丘得見彼比丘我說
彼大得大恩若聞彼比丘我說大恩若徃彼

我說大恩若往彼說我大恩若親供養彼若
念彼若隨出家我說彼大得恩何故如是等
諸比丘聞其說法得二離憍闊所謂身離憍
闊心離憍闊彼比丘入初禪以寂寂念諸蓋
滅若入第二禪念彼覺觀滅若入第三禪念
彼喜滅若入第四禪念彼樂滅若入虛空定
念色想瞋恚想種種想滅若入識定念彼虛
空滅若入無所有定念彼識入想滅若入想受滅
想非非想定念彼無所有想滅若入想受滅
念彼想受滅若得須陀洹果念見一處煩惱

滅若得斯陀洹果念麤姪欲瞋恚煩惱滅若
得阿那含果念細煩惱姪欲瞋恚滅若得阿
羅漢果念彼一切煩惱滅若入泥洹以寂寂
念一切皆滅彼坐禪人以此門以此行如是以
功德念寂寂彼心成信以信自在以念自
在心成不亂若不亂心諸蓋滅禪分起外行
禪成住念寂寂已竟廿十念

於十念處此散句若念過去未來佛功德此
謂修念佛如是念緣覺功德若念善說一法
是謂修念法若念一聲聞修行功德此謂修

念憎念彼戒此謂修念戒念彼施此謂修念
施若欲樂念施施於有功德人當取受相若
有人受施未施乃至一擣悉不應食念天者

成就信有五法當修念天
已竟

已竟句

音釋

數	數	並色角居街	切頻也鋸居街	切額鄂格切	切齒五巧切
闔	他達	堤塘	堤都奚切防也	塘捷音詎曰	
切		徒郎切隄岸也			
切	豈	髓息委腦	乃老脾頰眉切	肺芳吠切	
也		脳	肉藏也	金藏也	
膽	覩敢切	肪	肪房切		
肝					
膽	也	膜	膜音莫		
膽	也	膜	膜也		

屎	失	尿	奴	吊	唾	湯	臥	菜	蔓
切	切	切	切	切	切	切	切	蔓	蔓
烏	廢	糞	迫	迄	迫	博	陌	朱	朱
污	也		追	逐	追	側	格	切	切
夷	益	糲	卜	管	屑	烏	可	葉	葉
切	米	餅	卜	管	屑	阿	可	博	博
切	膚	蹲	蹲	蹲	蹲	可	察	業	業
理	也	踞	踞	踞	踞	察	苦	切	切
烏	侯	踞	踞	踞	踞	穴	吊	胞	胞
切	霖	居	御	切	觸	觸	吊	包	包
切	力	御	觸	觸	觸	音	包	液	液
切	尋	觸	觸	觸	觸	獨	液	胞	胞
切	舐	觸	觸	觸	觸	觸	音	包	液
切	話	觸	觸	觸	觸	首	音	胞	胞
切	也	觸	觸	觸	觸	骨	音	包	液
切	華	觸	觸	觸	觸	也	音	胞	胞
切	逃	觸	觸	觸	觸	也	音	包	液
切	迷	觸	觸	觸	觸	也	音	胞	胞
切	哿	觸	觸	觸	觸	古	我	胞	胞

永樂北藏

解脫道論

第一二四冊